



Inatsisartunut ilaasortaq, Jens Napätök', Partii Naleraq

Nassiunneqarpoq una aqqutigalugu: [inatsisartut@inatsisartut.gl](mailto:inatsisartut@inatsisartut.gl)

**Puisit amii tunisat pillugit § 37 naapertorlugu apeqqummut akissut**

Inatsisartut suleriaasissaanni § 37, imm. 1 naapertorlugu Naalakkersuisunut apeqquteqarputit puisit amiinik tunisineq pillugu. Apeqqutitit uannut akisassanngorlugit innersuunneqarput, taakkulu matuma kinguliani takuneqarsinnaapput:

09-07-2018  
Sagsnr. 2018-1132

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

**Apeqqut 1:**

**Kalaallit Nunaanni puisit amii qanoq amerlatigisut ukioq 2017-imi tunineqarsimappat?**

**Akissut:**

Aataat amii 13.000-it missaanniittut aamma natsiit amii 11.600-t missaanniittut 2017-imi tunineqarput.

**Apeqqut 2:**

**Kalaallit Nunaanni puisit amiisa tunineqartarneranni qanoq puisip amia ataaseq akilerlugu pisiarineqartarpa?**

**Akissut:**

Natsernut 70 cm-init mikinerusunut tunisinermi tapiissutit amermut ataatsimut 250 koruuninut aalajangerneqarput. Natsernut 70 cm-init anginerusunut aamma aataat amiinut tunisinermi tapiissutit tunisat amerliartorneri tunngavigalugit naatsorsorneqartarput, taamaaliornikkut tunisinermi tapiissutit amerliartortarput tunisarisartakkat amerliartorneri ilutigalugit. Tunisinermi tapiissutit tunisat amerliartorneri tunngavigalugu aaqqissuussaapput akilersuinerlu imatut aaqqissugaavoq ammit 0 - 100, ammit 101 – 200 aammattaaq ammit 200-t sinnerlugit. Tunisinermi tapiissutit 2018-imut tunngasut matuma kinguliani tabelimi takuneqarsinnaapput.

Ammit amerlassusiat	Natsiit amiinut 70 cm mikinernut amermut ataatsimut tunisinermi tapiissutit koruuninngorlugit	Natsiit amiinut 70 cm anginernut amermut ataatsimut tunisinermi tapiissutit koruuninngorlugit	Ataat amiinut amermut ataatsimut tunisinermi tapiissutit koruuninngorlugit
0-100	250	250	350
101-200	250	275	400
201+	250	300	450

### Apeqqu 3:

**Kalaallit Nunaanni inuussutissarsiutigalugu piniartut kisimik puisip amiinik tunisisinnaatitaappat?**

#### Akissut:

Tunisinermi tapiissutit taamaallaat piniartunut inuussutissarsiutigalugu allagartaqartunut tunniunneqartarput.

### Apeqqu 4:

**Kalaallit Nunaanni saniatigooralugu pinaluttartut Naalakkersuisuniik puisip amiinik tunisaqarsinnaanerminnik periarfissiuussiniarpat?**

#### Akissut:

Naalakkersuisut piniartunut inuussutissarsiutigalugu allagartanik pigisaqanngitsunut tunisisinnaanerannik ammaassinissamut pilersaaruteqanngillat.

### Apeqqu 5:

**Kalaallit Nunaata sineriaani sumi illoqarfinni aamma nunaqarfinni puisit amiinik tunitsiveqarpa?**

#### Akissut:

Naalakkersuisut aamma Great Greenlandip akornanni sullissinissamut isumaqatigiissutip 2018-imi tunitsiviit 36-t sumiiffissaat aalajangersarpaa, taakku matuma kinguliani tabelimi takuneqarsinnaapput.

Nunap immikkoortua	Illoqarfiup /nunaqarfiup aqqa	Oqaaseqaatit
Disko	Aasiaat	
Disko	Ikamiut	
Disko	Kangerluk	
Disko	Kangaatsiaq	
Disko	Qeqertaq	
Qeqqani	Arsuk	

Qeqqani	Atammik	
Qeqqani	Itilleq	Maannakkut ammangilaq
Qeqqani	Kangaamiut	
Qeqqani	Maniitsoq	
Qeqqani	Napasog	
Qeqqani	Nuuk	Maannakkut ammangilaq
Qeqqani	Paamiut	
Qeqqani	Qeqertarsuatsiaat	
Qeqqani	Sisimiut	
Avannaani	Kangersuatsiaq	
Avannaani	Kullorsuaq	
Avannaani	Qeqertat	
Avannaani	Qaanaaq	
Avannaani	Savissivik	
Avannaani	Ukkusissat	Maannakkut ammangilaq
Avannaani	Upernavik	
Avannaani	Uummannaq	
Kujataa	Alluitsup Paa	
Kujataa	Nanortalik	
Kujataa	Narsaq	
Kujataa	Qaqortoq	
Kujataa	Qassimiut	
Kujataa	Aappilattoq	
Tunumi	Isortoq	
Tunumi	Ittoqqortoormiit	
Tunumi	Kulusuk	
Tunumi	Kuummiut	
Tunumi	Sermiligaaq	
Tunumi	Tasiilaq	
Tunumi	Tiniteqilaaq	

### Apeqquut 6:

**Kalaallit Nunaanni puisip amiinik tunitsivinni qapiarfinnik maskiinanik peqartoqarnerisooq Naalakkersuisut tamanna misissorsimanerlugu? Pilersitsiniarnersut?**

#### Akissut:

Great Greenland imatut ilisimatitsivoq:

"Ilisimatitsissutigisinnaavarput ullumi puisit amiinut qapiarfinnik maskiinanik sinerissami arlalinnik peqarluta, Qaqortoq – Upernavik – Tasiilaq – Narsaq – Kangaatsiaq".

## Apeqquut 7:

### **Kalaallit Nunaanni puisip amiinik tunitsivinni qapiarfinnik maskiinamik pilersuisoqassappat qanoq akeqarnersut misissorneqarnikuuva?**

#### **Akissut:**

Great Greenland imatut ilisimatitsivoq:

“Qapiarfinnut maskiinanut ullumikkut atorneqartunut ajoraluartumik kingoraar-tissat pissarsiarineqarsinnaanngillat. Tamannalumi maskiinanut taakkununga tunngatillugu unamminartuuvoq. Kisianni maskiinanik allanik peqarpoq taakkua-lu 300.000 koruunit missaannik akeqarput. Maskiinat init inissinneqarfissaat tul-luartsuusaapput, taakkunani nateq cementiussaaq, imeqarluni, kuuffeqarluni il. il. Tamakku saniatigut maskiina illuartinneqarsinnaasariaqarpoq tonsit marluk a-ngullugit oqimaassuseqarsinnaasoq.”

Inussiarnersumik uunga saqqummersitamut innersuuppakkit: “2017-imi pisanik tunisineq toqoraavinnullu tunisineq” Naatsorsueqqissaartarfiup uani saqqummersitaa: <http://www.stat.gl/publ/kl/FI/201808/pdf/2017-imi%20pisanik%20tunisineq%20toqoraavinnullu%20tunisineq.pdf>, aammalu paasissutissanik katersuiffimmi uani: <http://bank.stat.gl/pxweb/kl/Greenland/> annertunerusumik puisit amiinik tunisinermi paasissutissanik pissarsinissannut soqutiginnikkuit.

Inussiarnersumik inuulluaqqusillunga



Aqqalu Jerimiassen